



Predmet: Izvještaj s Konferencije Vijeća Evrope - Forum za budućnost demokratije 2011: „Međuzavisnost demokratije i socijalne kohezije“, Kipar, 13. i 14. oktobar 2011.

Kolegij Predstavničkog doma Parlamentarne skupštine BiH prihvatio je poziv Parlamentarne skupštine Vijeća Evrope i predložio Milorada Živkovića, prvog zamjenika predsjedavajućeg PSBiH, da učestvuje na Forumu za budućnost demokratije 2011., održanom na Kipru 13. i 14. oktobra.

Forum je otvorio NJ. E. Demetris Christofias, predsjednik Republike Kipar. U uvodnom govoru pozdravio je sve prisutne predstavnike zemalja učesnica i zahvalio na njihovom dolasku i aktivnom učešću u radu Foruma.

Forum se sastojao od četiri tematske cjeline, i to:

1.tema: Promoviranje i omogućavanje širokog demokratskog angažmana davanjem ovlaštenja svim članovima društva

U okviru ove teme govorilo se kako bi pojedinci trebalo da imaju mogućnost i volju da učestvuju u javnim poslovima, kako moraju imati spektar vještina, resursa i mogućnosti.

Moderna demokratska društva trebalo bi da pomognu građanima i onima koji nisu državljani tih zemalja da dobiju društvena, kulturna i politička sredstva koja su im potrebna kako bi se snašli u institucionalnom okviru, konkretizirali svoja prava i učestvovali u demokratskim procesima zasnovanim na provođenju reformi i podjeli ovlaštenja.

Također je rečeno da udruženja i nevladine organizacije koje predstavljaju manjine i ranjive grupe igraju važnu ulogu u traženju konsenzusa i smanjenju socijalnih konflikata. Međutim, oni moraju paziti da ne utiču na fragmentaciju društva.

Skrenuta je pažnja na još jedan problem koji sve više zabrinjava a to je samoisključenje koje se odnosi na ove ranjive grupe, koje sebe ne mogu zamisliti kao dio procesa donošenja odluka, ali se odnosi i na grupe iz srednje klase koje slobodno biraju da ne koriste neke javne službe.

2.tema: Podsticanje građanskog dijaloga i socijalna solidarnost za dobrobit svih

Globalno gledajući, evropska društva nikad nisu bila tako bogata, a ekonomske i socijalne razlike između bogatih i ranjive populacije neprestano se povećavaju. Ovi trendovi slabe ljudske veze solidarnosti i podijeljene odgovornosti i stoga prijete principima socijalne zaštite i socijalne, okolišne i međugeneracijske pravde.

Civilno društvo igra ključnu ulogu u izgradnji socijalne održivosti tako što olakšava socijalnu integraciju i koheziju te podiže svijest o dugoročnim posljedicama političkih odluka.

3.tema: Stvaranje i poboljšavanje procesa kojima se omogućava učešće svih članova društva

U okviru ove teme govorilo se o modernoj demokratiji koja nastoji da ojača mandat političkih aktera tako što pazi da cijela populacija bude uključena u izradu odluka prema modalitetima kojima se dopunjavaju demokratski izborni procesi. Rečeno je da su savjetodavne skupštine i građanska vijeća uspješno uspostavljena, naročito na lokalnom nivou.

U vrijeme kada je pristup socijalnim pravima, tj. obrazovanju, zdravstvu, socijalnoj zaštiti, zapošljavanju i stanovanju, otežan zbog ekonomske krize, posebno je izazovno i važno da svi članovi društva, uključujući i one najranjivije, budu uključeni u participativne procese.

4.tema: Stvaranje i poboljšavanje struktura potrebnih za održiva i kohezivna demokratska društva

Smatra se da održivo društvo podstiče demokratske prakse i procese u institucijama i organizacijama koje uređuju svakodnevni život građana. Uređenje i vođenje institucija i službi trebalo bi da pomogne razvoju organizacija koje treba da imaju razumijevanja, da budu prilagodljive i odgovorne.

Demokratsko upravljanje institucijama zahtijeva također i da osobe koje ih vode i koje u njima rade shvataju važnost javnosti rada i otvorenosti, neophodnost dijaloga i partnerstva, te bitnost interkulturalnih pitanja.

Civilno društvo, dok vrši nadzor, igra također i ulogu stražara koji pazi na dobro funkcioniranje demokratskih institucija.

Zamjenik predsjedavajućeg Predstavničkog doma PSBiH Milorad Živković govorio je u okviru 4. Teme: Stvaranje I poboljšavanje struktura potrebnih za održiva I kohezivna demokratska društva.

Izvještaj uradila

Senaida Bešlić